


石首縣誌

地 260.133  
34  
: 1-28



仁首縣志序



粵稽郡邑之志與國史相表裏蓋其重哉史以垂法戒彰善懲志以考古今鏡得失其義均也顧文獻無徵雖尼宣不能守其殷之

序一

禮抱殘守闕而欲以信今

傳後其道無由甚矣志之不可以已也而作志者郡與邑又不同郡志從循邑志貴詳則邑志與不可不加之意也雍正七年巳酉

春余承

簡命爲石邑宰入其境覽其  
山川之明秀蒞其土悉其  
民俗之醇良採其風知其  
人文之炳蔚心竊喜之謂  
是國荆之良邑也暇日考

序二

之邑乘每多缺畧始知石  
邑舊志已燬於兵賴清海  
王公龍門衛公後先搜輯  
得以僅存然而不詳不備  
後之覽者將何以考古今  
鏡得失乎余毅然起而欲

脩之雖胸無二酉才乏三  
長然校魚辨豕剔穢闡幽  
冀延邑之積學能文者訂  
成一書與繡林龍蓋並峙  
千秋是余志也會因簿書  
鞅掌差委驅馳碌碌未有

寧日脩志之舉有志未逮  
辛亥秋牧穉歸癸丑秋守  
永陽未幾調守荆南五年  
之間奔走不暇而每懷舊  
治如念故鄉嘗重歷其地  
童叟孳轅士民遮道觀其

愛戴之殷益知風俗之厚  
尤令余極不忘也古坪張  
君爲滇南名進士辛亥秋  
來宰斯邑已歷五載人和  
政暇百廢具興乙卯夏爰  
集紳士纂脩邑志告成將

付梨棗索序於余余披覽  
之而不禁有感焉天下不  
朽之業莫大於經史禹貢  
考九州之則壤史記列人  
物之權衡志亦猶是也讀  
是志者豈惟一方之山川

風土物產人文歷歷在目  
將所以考古今鏡得失卽  
所以垂法戒彰善慝者無  
不於是乎在其繼王衛二  
公而並傳者詎不大有功  
於石邑哉惜也余欲脩之

而未果今張君已能脩之  
猶幸余在荆得觀其成而  
廁名簡編則斯志之脩卽  
謂余自脩之亦可也於是  
喜而爲之序

乾隆元年歲次丙辰仲夏  
月之下澣中憲大夫知  
湖廣荊州府事茂苑鄧  
士燦撰



石首縣志序

大凡脩志者惟紀載其實  
統括其全始可以傳信而  
不朽故一邑之乘直與  
國史並垂可不詳慎也哉辛  
亥秋余奉

序一

一

七

簡命來守石邑公餘之暇博稽

遠考周遊歷覽蓋久有意

乎志也嘗仰觀於天測諸

星野分翼度鶉尾之次俯

察於地按其疆理處公監

安華之中是故有天地斯

有山水於山則五星守  
後有黃山峙立於西南前  
有東山聳秀如屏障又有  
列貨諸山嶙峋翠峯山何  
明也於水則岷江浩蕩而  
北流九湖洸洋而清淺洞  
庭涵虛澎湃於海朝宗水  
何秀也山澤通氣人物生  
焉地靈人傑楊文定之  
業豈不偉哉而袁榮襄而  
張文簡先後秉政何其壯  
也他若科甲蟬聯祿秩炫

赫何其盛也忠孝節義崇  
祀鄉賢重其行也理學隱  
逸搜訪潛德發其微也其  
在掾職竒才亦難得焉下  
逮方伎小道亦可觀焉物  
產雖無珍竒而土田農桑

賦役供諸天府戶口載諸  
版籍亦好義之邦也人物  
宜誌如此然人民無統則  
紛土地不治則蕪由是設  
官分職衙署乃敷政出治  
之地爲之築城鑿池

無虞爲之脩堤挽坑防禦  
有資爲之倉廩府庫以藏  
食貨爲之橋梁道路以通  
往來且設學校以育人  
才  
養濟以哀矜獨育嬰以恤  
孤子官斯土者功德及人

序四

則稱之曰名宦由來尚矣  
然則寶土地者必愛民人  
或爲興利或爲除弊沿革  
分焉或爲去危或爲乂安  
災祥察焉或柔遠人或安  
來者僑寓有焉夫明有民

人幽有鬼神蓋可忽乎哉  
祠壇所以設也寺觀所以  
建也陵寢宜保滂澤堪憐  
人心向善風清俗美鄉飲  
讀法欣然觀禮而好異求  
僭當不其然合石事而計

之今昔異致細大不均苟  
非詳且慎焉曷克著爲成  
書乎然使考之古蹟而見  
聞失傳稽之藝文而載籍  
無徵將何所恃以訂一邑  
之裨乘而成百代之信史

以光

聖朝大一統之盛治也哉吾爲  
此懼故偶過一坊焉遇薦  
紳先生不憚虛心以咨之  
再過一都焉遇耆舊碩德  
不惜禮貌以諏之又過一

序六

鄉焉卽遇芻蕘工瞽亦不

禁下氣以詢之如是者五  
年適有客來告曰敝邑古  
志自漢以至於明無可考  
矣第存什一於千百猶有

王衛二令所編之善志在

余曰唯唯敬而受之既得  
而珍之輒然以喜開卷檢  
閱乃知輯其大畧而創於  
始者繫惟青海之力定其  
章程而纂於繼者繫惟龍  
門之功余不敏才慚班馬

筆遜董狐然而補其殘缺  
序其失次汰其繁冗去其  
浮華未必非二公畱此  
不備之端以待余之潤色  
而集成也又何多讓焉於  
是乙卯夏五集紳士於庭

選其多識蓄德者提綱挈  
領擇其博通典故者條分  
縷析相爲助理謀議僉同  
余又從而兼綜斟酌以核  
其實庶幾統括無遺足以  
信今而傳後矣編輯閱一

序八

載而報竣用付剞劂焉異  
日者

聖天子命輶軒而采風卽勒石  
誌以獻焉在不列之左个  
右个而與天球河圖並垂  
不朽也哉余因謬綴數言

以弁諸篇首

皆

乾隆元年歲次丙辰仲夏

月望日



賜進士出身文林郎知石首縣

事加一級紀錄二次古坪

序九

張坦謹識

十五



石首縣志序

志之爲義所以表彰勢溯  
沿革備美惡示勸懲供採  
擇維風化非若杜門却軌  
窮愁著書可以恃才氣任  
好尚鬪靡誇多逸弄文墨  
已也我

序一

卷之

其

國家海隅昇平敷天向化雖  
遐陬僻宇山區澤國亦莫  
不圖寫風景叙述物情核  
實記事編纂成帙摩繪太  
平之盛矧余邑志書舊有